

# Sa Kap Pase ak Tibebe W La?

## Devlopman Tibebe W la



## Byenvini nan HealthySteps!

Nou kontan dèske w la a. Nou swete ofri w sipò ak enfòmasyon ki fyab. Pandan chak vizit—oswa petèt pa lapòs—wap resevwa bilten enfòmasyon ki rele Sa Kap Pase ak Tibebe W La?. Ou ka resevwa feyè sou aprantisaj bonè ak sou lòt sijè tou. Ladan yo, wap jwenn enfòmasyon sou sa tibebe oswa timoun piti w la ap fè ak aprann nan laj li ak nan etap lavi l. Oframezi wap li bilten enfòmasyon an, sonje:

- Timoun devlope nan pwòp vitès pa yo. Pitit ou a ka rive nan etap ki pi enpòtan yo pi vit oswa pi dousman pase sa ki make nan bilten enfòmasyon an e ak tout sa lap kontinye grandi nòmalman.
- Tibebe ak timoun piti yo grandi ak chanje san rete! Pafwa se kòmsi yap fè gwo pwogrè. Lòt fwa yo se kòmsi yo ralanti. Se nòmal.
- Si ou gen nenpòt kesyon oswa enkyetid sou devlopman oswa konpòtman pitit ou a, poze kesyon! Nou kontan pou n reflechi avèk ou sou fason pou ankouraje pitit ou a.

Anplis tès, vaksen ak depistaj pitit ou a, nap pran tan pou n diskite sou kijan ou menm ak tibebe w la oswa timoun piti w la ye. Nan chak vizit nap pale sou woutin yo tankou somèy ak manje. Nap egzamine ansanm tou pwoteksyon tibebe ak sekirite anjeneral. Nou vle sipòte alafwa oumenm ak pitit ou a. Fè nou konnen kijan nou ka ede.

Si sèlman te gen yon manyèl ki pale de kijan pou yon moun paran! Laverite se ke, nou aprann lè nap fè bagay yo. Espesyalis HealthySteps ou a pare pou li ede w jwenn repons pou kesyon w yo. Yo ka ede w reflechi tou pou pran desizyon ki difisil. Yap eseye rankontre w chak fwa ou vini pou tchèkòp pitit ou a. Si jamè ou ta ale nan klinik la epi w pa wè Espesyalis HealthySteps ou a, tanpri mande doktè swen prensipal ou a oswa enfimyè w la pou yo verifie si l pa disponib. Pa ezite pran kontak avèk yo pandan vizit yo nonplis.

Byenvini nan klinik HealthySteps nou an.